



**Broj predmeta:** 48-000639/23  
Broj akta: 06-1534SM-005/23  
Datum, 22.9.2023. godine  
Mjesto, Brčko

Na osnovu člana 21. Zakona o Vladi Brčko distrikta Bosne i Hercegovine („Službeni glasnik Brčko distrikta BiH”, broj: 22/18 – prečišćeni tekst, 49/18, 8/19, 10/19 i 32/19), člana 21. Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH”, broj: 25/20 – prečišćeni tekst), Odluke o usvajanju Budžeta Brčko distrikta Bosne i Hercegovine za fiskalnu 2023. godinu broj: 01-02-6154/22 od 21. 12. 2022. godine, člana 59. Zakona o Budžetu Brčko distrikta BiH („Službeni glasnik Brčko distrikta BiH”, broj 13/20), Zakona o izvršenju Budžeta Brčko distrikta BiH za 2023. godinu („Službeni glasnik Brčko distrikta BiH”, broj 48/22), Pravilnika o dodjeli sredstava za finansiranje programa odnosno projekata od javnog interesa u Odjeljenju za prostorno planiranje i imovinskopravne poslove („Službeni glasnik Brčko distrikta BiH”, broj 19/21), Odluke o odobravanju programa dodjele sredstava za finansiranje ili sufinansiranje programa odnosno projekata od javnog interesa Odjeljenja za prostorno planiranje i imovinskopravne poslove za 2023. godinu broj: 13-001774/23, broj akta: 01.11-0323SR-009/23 od 2. 8. 2023. godine, šef Odjeljenja za prostorno planiranje i imovinskopravne poslove o b j a v l j u j e

## JAVNI POZIV ZA FINANSIRANJE I SUFINANSIRANJE PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA

### I. Cilj

Cilj Javnog poziva je finansiranje i sufinansiranje projekata od javnog interesa u oblasti zaštite životne sredine, u skladu s planom i programom rada Odjeljenja.

### II. Pravo učešća

Na Javni poziv mogu se odazvati udruženja, fondacije i druga pravna i fizička lica koja su registrovana za obavljanje aktivnosti koje su vezane za projekat od javnog interesa odnosno čiji ciljevi su saglasni s ciljevima projekata od javnog interesa.

Članom 63. stav (1) Zakona o Budžetu Brčko distrikta BiH propisano je koja udruženja i fondacije, odnosno pravna i fizička lica nemaju pravo na učešće na javnom pozivu.

Budžetski korisnik može izvršiti dodatne provjere kod nadležnog organa odnosno nadležnog registra udruženja i fondacija, odnosno drugog pravnog ili fizičkog lica, a u skladu sa članom 63. stav (2) Zakona o budžetu Brčko distrikta BiH.

### III. Opći i posebni kriteriji

Izbor programa i projekata vrši se na osnovu općih i posebnih kriterija.

Opći kriteriji su:

- a) procjena usklađenosti ciljeva projekta sa ciljevima i prioritetnim područjima te strateškim i drugim planskim dokumentima razvoja Distrikta i planovima Odjeljenja, kako su opisani u javnom pozivu;
- b) kvalitet i sadržaj prijavljenog projekta;
- c) kvalitet dosadašnjeg rada, uspjesi i iskustva, te kontinuitet saradnje s Odjeljenjem;
- d) neposredna društvena korist za zajednicu;
- e) finansijska i druga sposobnost za provođenje projekta te realan odnos troškova i očekivanih rezultata projekta;
- f) održivost rezultata projekta.

Posebni kriteriji su:

- g) dosadašnje iskustvo u provođenju projekata finansiranih iz istog ili drugih izvora;
- h) organizovanost i broj članova udruženja, odnosno ekvivalentni kapaciteti pravnog odnosno fizičkog lica, odnosno broj lica koja bi učestvovala u realizaciji projekta;
- i) angažman djece, mladih, žena, osoba s invaliditetom u realizaciji projekta.

### IV. Prihvatljivi i neprihvatljivi troškovi provođenja programa odnosno projekta

Prihvatljivi troškovi su troškovi koje je imao korisnik finansiranja, a koji ispunjavaju sve sljedeće kriterije:

- a) nastali su za vrijeme perioda provođenja projekta u skladu s ugovorom;
- b) moraju biti navedeni u ukupnom predviđenom budžetu projekta od javnog interesa;
- c) nužni su za provođenje projekta od javnog interesa koji je predmetom dodjele finansijskih sredstava;
- d) mogu biti identifikovani i provjereni i koji su računovodstveno evidentirani kod korisnika finansiranja prema važećim propisima;
- e) trebaju biti umjereni, opravdani i usaglašeni sa zahtjevima racionalnog finansijskog upravljanja, naročito u odnosu na štedljivost i učinkovitost.
  - Troškovi navedeni u budžetu projekta od javnog interesa moraju se zasnovati na realnoj cijeni i/ili procjeni. Budžet projekta od javnog interesa mora biti planiran ekonomično i efikasno, tj. navedeni troškovi moraju biti neophodni za provođenje projekta od javnog interesa.
  - Direktni troškovi su oni troškovi koji su u direktnoj vezi s provođenjem i ostvarenjem ciljeva projekta od javnog interesa, odnosno direktno povezani s pojedinačnom aktivnosti projekta i kada se veza s tom pojedinačnom aktivnošću može pokazati.
  - U indirektno prihvatljive troškove ubrajaju se oni troškovi koji nastaju u okviru projekta, ali nisu u direktnoj vezi s ostvarenjem jednog, ili više ciljeva projekta, odnosno nisu direktno povezani, ili se ne mogu povezati s pojedinačnom aktivnošću projekta. Takvi troškovi uključuju i troškove za koje je teško utvrditi tačan iznos koji se može pripisati određenoj aktivnosti odnosno troškove kod kojih je iznos moguće procijeniti samo izračunom po posebnoj metodologiji. Uz navedeno, indirektno troškove čine: troškovi

usluga računovodstva, troškovi usluga čišćenja, troškovi telefona, vode, električne energije, najma kancelarijskog prostora u dijelu koji se koristi za upravljanje projektom, troškovi poštarine, uredski materijal i slično. Indirektni troškovi nosilaca projekata koji se mogu odobriti, izračunavaju se primjenom fiksne stope do 15% od prihvatljivih direktnih troškova.

Neprihvatljivim troškovima smatraju se:

- a) dugovi i stavke za pokrivanje gubitka, dugova, kazni i slično;
- b) dospjele kamate;
- c) stavke koje se već finansiraju iz javnih izvora;
- d) kupovina zemljišta ili građevina, osim kada je to nužno za direktno provođenje programa odnosno projekata;
- e) gubici na kursnim razlikama;
- f) zajmovi trećim stranama;
- g) pokloni (osim kada je to nužno za direktno provođenje programa odnosno projekta aplikanta koji su registrovani za obavljanje humanitarnih aktivnosti);
- h) kupovina vozila (osim ako je to nužno za direktno provođenje programa, odnosno projekta);
- i) lično životno osiguranje;
- j) ostale isplate koje nisu predviđene relevantnim zakonskim propisima.

## V.

### **Spisak neophodne dokumentacije za učešće na javnom pozivu**

Pravna i fizička lica iz člana II. koja podnose prijave za učešće na javnom pozivu dužna su dostaviti:

- a) prijavu na javni poziv (ANEKS II) uz naznačen naziv projekta;
- b) prijedlog projekta od javnog interesa (ANEKS III);
- c) potpisan i ovjeren prijedlog budžeta projekta od javnog interesa, a za fizička lica samo potpisan (ANEKS IV);
- d) logičku matricu (ANEKS V);
- e) izjavu o partnerstvu s drugim organizacijama i licima, ukoliko više pravnih i fizičkih lica učestvuje zajedno u podnošenju prijave (ANEKS VI);
- f) izjavu o nepostojanju okolnosti koje zabranjuju učešće pravnog ili fizičkog lica na javnom pozivu;
- g) aktuelni izvod iz registra pravnih ili fizičkih lica, udruženja i fondacija registrovanih u Distriktu, koji nije stariji od tri mjeseca;
- h) potpisanu izjavu podnosioca prijave da nije dobio sredstva za finansiranje, odnosno sufinansiranje projekta od drugog budžetskog korisnika;
- i) dokaz o izmirenim poreznim obavezama, ili sporazum zaključen s Poreznom upravom o odgođenom plaćanja neizmirenih poreskih obaveza pravnog i fizičkog lica.

Ukoliko prijavu podnosi fizičko lice, dužno je dostaviti kopiju identifikacionog dokumenta, te popunjene i potpisane obrasce, neophodne za učešće na Javnom pozivu.

Nepotpune, nepravovremene i prijave podnesene od neovlaštenog lica neće biti uzete u razmatranje.

## VI. Finansijski okvir

Ukupna vrijednost sredstava koja se dodjeljuju za finansiranje odnosno sufinansiranje programa odnosno projekata od javnog interesa po ovom Javnom pozivu utvrđena su Budžetom Brčko distrikta BiH za 2023. godinu, na organizacionom kodu 21010001 – Pododjeljenje za izdavanje lokacijskih uslova i zaštitu okoline, ekonomski kod: 614300 – Tekuće donacije neprofitnim organizacijama i iznose **100.000,00 KM**, i to za:

- a) finansiranje projekata od javnog interesa u oblasti zaštite životne sredine.

Minimalni iznos sredstava po projektu će iznositi **5.000,00 KM**, a maksimalni iznos po projektu do **30.000,00 KM**.

**Maksimalni iznos za pokriće troškova ljudskih resursa u svrhu realizacije projekta je 25% od ukupnog iznosa odobrenih sredstava.**

**Maksimalni iznos za pokriće administrativnih troškova (sredstva rezervi za neplanirane situacije u svrhu realizacije projekta) je 7% od ukupnog iznosa dobijenih sredstava.**

**Iznos koji se može odobriti za sufinansiranje iznosa već odobrenih projekata, koji su u toku (ili su odobreni za finansiranje od strane drugog donatora izvan Brčko distrikta BiH) je do 30% od ukupne vrijednosti projekta koji se sufinansira.**

## VII. Način bodovanja

Komisija boduje podnesene prijedloge projekta prema općim i posebnim kriterijima i to vrednovanjem pojedinačnog kriterija ocjenom od 1 do 10 bodova.

Ukupan broj bodova za ocjenu prijavljenog projekta čini ukupni zbirni broj bodova članova Komisije, prema općim i posebnim kriterijima.

Finansiranje odnosno sufinansiranje projekta neće biti odobreno, ako prijavljeni projekat u postupku bodovanja ne ostvari minimalno 70% (sedamdeset posto) maksimalnog broja bodova prema kriterijima za ocjenu. Maksimalan broj bodova po pojedinačnom kriteriju je 10, odnosno ukupno 90 po svim kriterijima.

## VIII. Vrijeme trajanje projekta

Svi prijedlozi programa odnosno projekata koji budu odobreni po ovom javnom pozivu moraju biti realizovani najkasnije do 31. 12. 2023. godine.

## IX. Način prijavljivanja

Obrazac prijave s popratnom dokumentacijom za učešće na Javnom pozivu možete preuzeti na web stranici [www.vlada.bdcentral.net](http://www.vlada.bdcentral.net).

Prijave za učešće na Javnom pozivu popuniti isključivo u elektronskoj formi i dostaviti u zatvorenoj koverti, s naznakom: „**PRIJAVA NA JAVNI POZIV ZA FINANSIRANJE I SUFINANSIRANJE PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA KOJI ĆE BITI FINANSIRANI IZ BUDŽETA BRČKO DISTRIKTA BiH ZA 2023.**“

**GODINU OD STRANE ODJELJENJA ZA PROSTORNO PLANIRANJE I IMOVINSKOPRAVNE POSLOVE – NE OTVARATI, OTVARA KOMISIJA”.**

S druge strane koverta navesti naziv aplikanta te prijavu dostaviti, putem protokola Vlade Brčko distrikta BiH, Odjeljenju za prostorno planiranje i imovinskopravne poslove, ili putem pošte na adresu:

**Odjeljenje za prostorno planiranje i imovinskopravne poslove  
Bulevar mira br. 1, Brčko distrikt BiH**

Za sve potrebne informacije možete se obratiti putem e-maila:

**Stanko Stančić: [stancic.stanko@bdcentral.net](mailto:stancic.stanko@bdcentral.net)**

**Ishak Abdurahmanovic: [ishak.abdurahmanovic@bdcentral.net](mailto:ishak.abdurahmanovic@bdcentral.net)**

**Nada Ljubojević: [nada.ljubojevic@bdcentral.net](mailto:nada.ljubojevic@bdcentral.net)**

**Ostale napomene:**

**Javni poziv ostaje otvoren petnaest (15) dana od dana objavljivanja, na internet stranici Vlade Brčko distrikta BiH [www.vlada.bdcentral.net](http://www.vlada.bdcentral.net).**

**Jedan aplikant može kandidovati jedan projekat po ovom javnom pozivu.**

**Samo prijave koje su u skladu s Javnim pozivom će biti uzete u razmatranje za dodjelu sredstava.**

**Odabir programa odnosno projekata koji će biti finansirani po javnom pozivu vrši Komisija na osnovu kriterija iz člana III. i rang-listu odabranih projekata dostavlja šefu Odjeljenja na odlučivanje.**

**Rezultati Javnog poziva, odnosno odabira projekta će biti objavljeni na internet stranici Vlade Brčko distrikta BiH.**

**Odjeljenje će na sve pristigle prijave po ovom javnom pozivu dostaviti pisano obavještenje o izboru programa odnosno projekta, kao i obrazloženje o razlozima neprihvatanja programa odnosno projekta.**

**Planirani datum donošenja Odluke o finansiranju ili sufinansiranju projekata je 25. 10. 2023. godine, koja će biti objavljena na zvaničnoj internet stranici Vlade Brčko distrikta BiH, a predviđeni rok za zaključivanje ugovora s nosiocima odobrenih programa, odnosno projekata je najkasnije četrnaest (14) dana od dana donošenja Odluke.**

**ŠEF ODJELJENJA**

Suvad Mašić, dipl. pravnik

**DOSTAVITI:**

1. Medijima,
2. Za oglasnu ploču Vlade Brčko distrikta BiH,
3. Sektoru za informisanje – web urednik,
4. Evidenciji,
5. Arhivi.